

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՀԵԼՈՒ ՎԱՅՐԵՐՈՒՄ ՎԵՐԱՀՍԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1478

25.10.2014թվ.



ՀՀ Ոստիկանության պետ,
գեներալ-լեյտենանտ
պարոն՝ Վ. Գասպարյանին

Հարգելի պարոն Գասպարյան.

Սույն թվականի հոկտեմբեր ամսին Դիտորդական խումբը այցելություն կատարելով ՀՀ ոստիկանության Տավուշի ՄՎ Լոյեմբերյանի ՁՊՎ արձանագրել է մի շարք թերություններ:

Նախ և առաջ հարկ ենք համարում փաստել, որ տվյալ ՁՊՎ-ում ժամանակին մաքրման աշխատանքները պատշաճ չկատարելու արդյունքում, ներկայիս պահին ընդհանուր ՁՊՎ-ն գտնվում է շատ վատ վիճակում:


1. Առաջին, երկրորդ խցերի և ճաշասենյակի լվացարանները, սանհանգույցի սալիկը գտնվում էին շատ կեղտոտ վիճակում, որն արդեն իսկ մաքրել հնարավոր չէ: / կից ներկայացվում է փաստը հաստատող լուսանկարներ – 1,2,3,4,5/
2. Սանհանգույցը չունի օդափոխության համակարգ և ամբողջ տհաճ հոտը տարածվում է ՁՊՎ-ով մեկ, որին նախկինում էլ Դիտորդական խումբը կրկին անդրադարձել էր, սակայն միջոցներ չեն ձեռնարկվել:
3. Խցերի պատուհանների ձայնազդանշանային համակարգը կրում է ձևական բնույթ, որովհետև չի գործում: / կից ներկայացվում է փաստը հաստատող լուսանկարներ – 6,7,8,9/
4. Տեսակցության սենյակը չի համապատասխանում ՁՊՎ-ների ներքին կանոնակարգով նախատեսված սահմանումներին: / կից ներկայացվում է փաստը հաստատող լուսանկարներ – 10,11/



Այսպիսով՝ խնդրում ենք ուսումնասիրել փաստերը և տալ մեկնաբանություն ներկայացվածի վերաբերյալ:

Հարգանքներով՝

ՀՀ ոստիկանության համակարգի ձերբակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երևան, Նալբանդյան 130 հեռ. 59-65-94

N- 2/2-1-3085

« 26 » 11 2014թ.

Ձեր 25.10.2014թ. թիվ 2621/1478 գր.

ՀՀ ոստիկանության համակարգի ձերբակալվածներին պահելու վայրերում հասարակական դիտորդների խմբի նախագահ

տիկին Հ. Սահակյանին

Հարգելի տիկին Սահակյան

Հայտնվում է, որ դիտորդների խմբի կողմից 2014թ. հոկտեմբեր ամսին ՀՀ ոստիկանության Տավուշի մարզային վարչության Նոյեմբերյանի բաժնի ձերբակալվածներին պահելու վայր կատարած այցելության ընթացքում արձանագրված թերություններն ուսումնասիրվել են ՀՀ ոստիկանության շտաբում և Տավուշի մարզային վարչությունում:

ՀՀ ոստիկանության Տավուշի մարզային վարչության կողմից տրամադրված տեղեկատվության համաձայն ներկայացվում են ներքոշարադրյալ մեկնաբանությունները:

1. 2. Նշված թերությունները արդեն իսկ վերացվել են: Սանհանգույցում տեղադրվել է օդափոխության համակարգ: Կատարվել են որոշակի վերանորոգման աշխատանքներ:
3. Խցերի պատուհանների չգործող ձայնաազդանշանային համակարգը ամբողջությամբ հեռացվել է, քանի որ այն ՀՀ կառավարության 05.06.2008թ. թիվ 574-Ն որոշմամբ հաստատված «ՀՀ ոստիկանության համակարգում գործող ձերբակալվածներին պահելու վայրերի ներքին կանոնակարգ»-ով նախատեսված չէ: Պատուհանները մաքրվել և ներկվել են:
4. Տեսակցության սենյակը ՀՀ կառավարության 05.06.2008թ. թիվ 574-Ն որոշմամբ հաստատված ներքին կանոնակարգի 119-րդ կետի պահանջներին համապատասխանեցնելու համար իրականացվում են աշխատանքներ, որոնք ավարտվելուց հետո դիտորդների խմբին կհայտնվի լրացուցիչ:

ՀՀ ոստիկանության շտաբ